

SAKSPAPIR

Saksnr	Utval	Type	Dato
138/22	Plan- og kommunalteknisk utval	PS	30.11.2022

Saksbehandlar	ArkivsakID
Runar Ludvigsen	22/3635

Andre saker/spørsmål

Plan- og kommunalteknisk utval - 138/22

PL - behandling:

Alf Terje Mortensen, FRP, hadde slikt spørsmål: Det gjeldt byggetilsyn, eit naust på Bernes i sin tid, at den skulle sende over til det interkommunale byggetilsynet. Korleis fungerer det i samband med tilbakemelding på dette? Kor finn ein informasjon om dette?

Leiar for teknisk forvaltning ga slikt svar: Eg kjenner ikkje til noko interkommunalt byggetilsyn. Det er våre sakshandsamare som gjer jobben.

Rådmannen ga slikt tilleggssvar: Det var tidlegare eit interkommunalt byggetilsyn, men avtalen vert ikkje fornya. Ideelt sett skulle det vore endå, men det var vanskeleg å bli einig om mellom anna prinsipp, praksis og pris/kostnader.

Kjellaug Hartveit hadde eit spørsmål om kva som skjer med invitasjonen til statsforvaltaren om å komme å snakke om buplikt.

Utvalsleiaren svarte slik: Det har vore kontakt med statsforvaltaren, men vi har ikkje lukkast å få avtale ein tid som passar.

Sekretæren ga slikt tilleggssvar: Når møteplanen vert vedteke av heradstyret i neste veke prøver vi å få til eit møte på nyåret 2023.

Bestandsplan - Hjort.

Utvalsleiaren sette fram slikt framlegg:

«Utvalet ber administrasjonen å oppfordre storvaldet om å søkje justering av bestandsplan. I den justeringa vil dei verte kjend med både den endelege nye vedtekne hjorteforvaltningsplan, og den reviderte forskrifta om minsteareal som vart vedteken i mars 2022. Deretter er det opp til valdet å søkje om det. Søknad vert handsama administrativt.»

Alf Terje Mortensen sette fram slikt framlegg:

"Vedtak om 5% overføring frå eit år til eit anna vert endra til 10 %. Bakgrunnen for endringa er at det vil gje bestandsplanområdet ein langt større fleksibilitet i si forvaltning av bestanden. I område med

høg bestand kan ein redusere skader med å få tatt ut meir dyr på kortare tid. Medan ein i område med mindre dyr eit år, gjerne kan felle dei året etter.

Denne endringa er gjort i tråd med ynskje frå bestandsplansområdet i sin plan og sine innspel til den kommunale planen. Endringa er til gunst for den vedtaket rettar seg mot jamfør forvaltingslova § 35."

Utvalsleiaren sette fram slikt framlegg:

«Utvalet ber administrasjonen å oppfordra storvaldet om å søkje justering av bestandsplan med å gi høve til overføring av inntil 10% av dyra frå eitt år til neste. Søknad vert handsama administrativt.»

AVRØYSTING:

Utvalsleiaren sitt framlegg om oppmoding til å søkja om justering av bestandsplan vert vedteke

- Samrøystes vedteke

Alf Terje Mortensen, FRP, sitt framlegg vert vedteke

- 3 røyster (FRP,AP,SP)

Utvalsleiaren sitt framlegg om overføring av fellingsløyve fell

- 2 røyster (H,MDG)

PL - vedtak:

Vedtak i sak om bestandsplan for hjort:

Utvalet ber administrasjonen å oppfordre storvaldet om å søkje justering av bestandsplan. I den justeringa vil dei verte kjend med både den endelege nye vedtekne hjorteforvaltningsplan, og den reviderte forskrifta om minsteareal som vart vedteken i mars 2022. Deretter er det opp til valdet å søkje om det. Søknad vert handsama administrativt

Vedtak om 5% overføring frå eit år til eit anna vert endra til 10 %. Bakgrunnen for endringa er at det vil gje bestandsplanområdet ein langt større fleksibilitet i si forvalting av bestanden. I område med høg bestand kan ein redusere skader med å få tatt ut meir dyr på kortare tid. Medan ein i område med mindre dyr eit år, gjerne kan felle dei året etter.

Denne endringa er gjort i tråd med ynskje frå bestandsplansområdet i sin plan og sine innspel til den kommunale planen. Endringa er til gunst for den vedtaket rettar seg mot jamfør forvaltingslova § 35

Saksopplysningar: